



**UNIVERSITETI I PRISHTINËS
“HASAN PRISHTINA”**

**STUDIMET POSTDIPLOMIKE - MASTER
DREJTIMI KUSHTETUES ADMINISTRATIV**

PUNIMI I DIPLOMËS MASTER

**“KUFIZIMI I LIRISË SË LËVIZJËS NË KOHË TË COVID 19-
ASPEKTET E PRAKTIKËS SË GJYKATËS KUSHTETUESE TË
REPUBLIKËS SË KOSOVËS”**

Mentori:
Prof. Ass. Dr. Flamur HYSENI

Kandidatja:
Egzona IBRAHIMI

Prishtinë, 2023

Abstrakt

Pandemia Covid-19 ka prekur çdo sferë të jetës së qytetarëve, në të gjithë botën. Përveç aspektit shëndetësor, qytetarët në të gjithë botën janë përballur edhe me shumë pengesa të tjera. E panjohura siç ishte covid-19, përbënte një sfidë mjaftë të madhe për shtetet, për të vepruar në rrethana të shpejta, për të vetmen arsye, pra për të shpëtuar jetë të qytetarëve. Thuajse të gjitha shtetet ishin në gjendje të jashtëzakonshme, pavarisht a kishin shpallur zyrtarisht këtë.

Autoritet publike duke u angazhuar maksimalisht në mbrojtjen e qytetarëve nga covid-19, rrjedhimisht mbrojtjen e të drejtës për jetë dhe shëndet, jo rrallë herë kanë ndërmarrur masa jobalancuese sa i përket respektimit të të drejtave dhe lirive themelore. Bota po përballej me diçka të re, andaj edhe frika dhe paniku ishin në masë mjaft të madhe, ishte një alarm botëror.

Edhe shteti i Kosovës, u përballë me një sfidë të tillë, ku që nga 15 marsi i vitit 2020, me shpalljen e gjendjës emergjente, qeveria e Republikës së Kosovës abrogoi të drejta kushtetuese me vendime administrative, pavarisht që aktgjykimi KO54/20 i Gjykatës Kushtetuese konstatoi shkelje dhe udhëzoi autoritetet publike si të veprojnë. Ky aktgjykim i Gjykatës Kushtetuese u injorua nga autoritetet publike, ku vazhdoi avazi i njejtë deri në muajin gusht, kur u miratua Ligji nr. 07/L-006 për Parandalimin dhe Luftimin e Pandemisë Covid-19 në Territorin e Republikës së Kosovës.

Në këtë punim, trajtohen aspektet ligjore të rregullimit ligjor të pandemisë, kufizimi i të drejtave dhe lirive themelore të njeriut si dhe ndërmarrja e veprimeve nga komuna për parandalimin e infeksionit COVID-19 dhe rasti i Kosovës sa i përket kushtetutshmërisë së masave të ndërmarrura, konfuzitetin e autoriteteve përgjegjëse për zbatimin e tyre.

Fjalët kyqe: Pandemia COVID-19, aspektet ligjore të drejtat dhe liritë themelore të njeriut, autorizimet e Ministrisë, Gjykata Kushtetuese, kushtetueshmëria, masat kufizuese.